

第壹冊

堯典舜典

尚書本義

王養怡講

中華民國三十四年十月

1945

尙書本義序

五經爲國學之根本文章乃道德之光華言之無文所行不遠文不載道圯廢彝倫曠觀歷古開基之祖縱其不學無文而言皆中道再觀末葉流俗之士爭尙浮華詞藻概皆無補天人此秦始皇之所以焚書而楚項羽之所以學萬人敵也道在邇曰天理良心而已文記事曰義理故實而已滅乎天理良心者不可以論道背乎義理故實者不足以爲文漢高約法三章言雖簡而天良俱在今日民生主義事雖近而故實當興何一而非經何一而非道哉霍光以將相之資倚任尤隆而不能致君子堯舜澤民于熙皞後人論者曰不學無術非無他術無經術也然五經之中以尙書爲最古學術之始惟尙書而獨詳許謙曰聖人欲納天下於善無它道焉惟示之觀戒而已故孔子於春秋嚴其褒貶之辭使人知所懼於書獨存其善使人知所法劉知幾曰尙書乃七經之冠冕百氏之襟袖學者必先精此書次覽羣籍是知尙書者聖人說理之書聖人垂訓

之書聖人創作文物典章之書聖人教示後人修身治國之書後人宗之以爲涉世之津梁入德之門戶學術之叢藪文字之泉源然而有經而不能讀讀而不能解解而不能躬行者與無經何異故叔寶工詩無克祚國相如才茂反有微行若霍光之無術學經尙可近道降而至於陳後主司馬相如之流豈無術而已哉直放僻邪侈之小人者矣古之人學經明道國治而天下平抱道窮經心誠而萬物理今之人有國家天下之志者何可忽諸

中華民國三十四年歲次乙酉十月

日

尙書本義凡例及目次

一、周易六爻文王八卦重交變動用六用九之文說者謬謬聞者諾諾讀得尙書則如兒童學識數不索解而自然曉暢是學易者不可不讀尙書

二、周禮六官戴禮三祭王制月令車服宮室一切法度皆創自唐虞之世周公因之著爲令典後人又用三禮註解尙書當無不合是學禮者不可不讀尙書

三、豳風七月之詩云七月流火九月授衣一之日鶩發二之日栗烈小雅祈父之詩云十月之交朔日辛卯又小旻之詩云跂彼織女終日七襄又曰東有啓明西有長庚凡此律歷節候之說今之學者都不甚詳讀得尙書卽視爲常事是學詩者不可不讀尙書

四、左傳僖五年晉侯圍上陽卜偃曰丙之辰龍尾伏辰鶉之賁賁天策焯焯火中成軍凡此日躔星官之學左氏以前有之是學春秋者不可不讀尙書

五、講述本書襲明清兩代之推崇一遵蔡傳爲主凡經文直後皆是蔡傳不另標明以示經傳同尊之意括弧集說是採歷代各家之說一則認爲正論一則廣備異聞括弧案語是編者於義理依據經旨或有所發明於故實依據某說或多資考證其他類似之

說混淆之論概從刪畧

六、歷代解經者皆繁於義理而忽於故實本書所輯以經旨既本正宗說理處不宜詞費獨於故實方面如天文地理文物典章凡有名言必廣爲搜選然而經學豈易言哉以淺學孤陋之徒述千古聖賢之法得無貽泰山土壤之譏乎海內賢達有所教正則斯道幸甚編者幸甚

目錄

題詞	堯典
序文	舜典
凡例	
目次	
綱領	
附圖	

尚書本義綱領

綱領上

論歷代經學

先秦之世諸子雜出春秋新作易爲卜筮之書而詩書禮樂四經六經之名尙矣漢興承秦火之餘廣求天下遺書加以秦博士口傳心授取可以爲修身治世之大法者立詩書易禮春秋五經於學官而樂經已亡當時所謂禮者僅古經十七篇卽今之儀禮也漢武帝建元五年置五經博士如董仲舒公孫弘孔臧孔安國等皆以經學進用模範當時宣帝甘露三年詔諸儒講五經異同於石渠閣施讐論易周堪孔霸論書薛廣德論詩戴聖論禮公羊則嚴彭祖穀梁則尹更始蕭望之等平其議乃立梁邱易大小夏侯尚書穀梁春秋博士明帝永平九年詔自皇太子諸侯王及大臣子弟功臣子孫莫不受經置五經師搜選高能以授其業期門羽林之士悉令通孝經章句匈奴亦遣子入學漢代之尊經崇儒於斯爲盛而儒者砥勵廉隅維繫人心其功亦非淺鮮章帝建初四年詔太常博士郎官及諸儒會白虎觀議五經同異一時名儒如丁鴻樓望桓郁班固賈逵成封及廣平王羨皆與焉炎漢之經學至此乃大備靈帝熹平四年詔諸儒正五經文字命議郎蔡邕爲古文篆隸三體書刻石列



于太學門外師古曰所謂古文者孔壁中書科斗文也篆書秦始皇使程邈所作隸書亦程邈所獻主於徒隸從簡易也總之終漢之世經學日有發明而歸整崇儒術以正人心漢祚久長其在斯乎下逮三國兩晉南北朝之世朝廷重臣名流清議未聞有涉及經術者豈其國祚短淺欲講求而未能抑亦拋經忘道陷人心於偷鄙之所致哉唐初沿隋舊制以明經取士高祖武德七年詔諸州有明一經以上者咸以名聞當時分三禮三傳與詩書易並列爲九經蓋周官晚出戴禮後記鄭興鄭衆父子於古禮均有發明馬融傳小戴之學於鄭康成後鄭注三禮成于漢末至唐始分而三之而唐之九經又有大中小之別禮記春秋左氏傳爲大經詩周官儀禮爲中經易書公羊穀梁爲小經至太宗貞觀十四年因諸經師說多門章句繁雜命孔穎達與諸儒撰定五經疏名曰正義令學者習之及其末葉文宗開成二年令儒臣校正經籍勒石太學加論語孝經爾雅爲十二經五代天札未遑經術後唐李嗣源長興三年令判國子監田敏校正九經刻版印賣廣播民間至後周郭威廣順三年其書成始未及頒布而入於宋矣宋祖開基首重經術眞宗咸平四年詔群臣子弟補京官者試一經賜九經于州縣學校及聚徒講誦之所此之九經卽五代刻印未頒之九經亦卽漢唐相遞之九經也人民皆得讀經者自此始洎乎南宋高宗紹興八年胡安國進春秋傳詔加

安國寶文閣直學士前之春秋三傳者至此增至四傳矣光宗紹熙五年召朱熹爲煥章閣待制兼侍講熹又進孟子於經筵後人遂列孟子於經部致有今日十三經之稱清初定鼎燕京本以外族入主中夏雖取士沿襲明制試以八股時藝之文而五經爲我華族數千年立國之大本早經洞悉故自康熙五十四年至乾隆十三年陸續刻印易春秋四傳詩書三禮定名爲御纂七經此乃認春秋四傳統於春秋一經三禮各爲一經合詩書易而爲七也清之七經卽唐宋之九經亦卽漢之五經具體而擴充者也曰五曰七曰九名不同而實則一然則我中華民族所謂以經書儒術爲修身治世之大法者果何在乎曰無他堯舜禹湯文武周公孔子之道耳自古人類無身不修而可以濟事心不正而可以立國者遠代莫論矣清之亡亡於人心民國之危危於人心民國之危而復安者非我之心正身修實他人之心不正身不修也大學云自天子以至於庶人壹是皆以修身爲本今後凡我民族若喻利而不喻義責人而不責己今日縱能幸存敢必其他日之不再危耶再有危我者將何以堪或曰敦崇經術正心修身卽足以振興工商業國因之而富兵因之而強乎曰否經術體也科學用也體者道德之謂也用者物質之謂也有物質而無道德敗以強有道德而無物質敗以弱管子曰四維不張國乃滅亡今日之中國宜急起直追致力於科學修躬省慮返還

於經術

綱領下

論諸經要旨

尚書以前無書非無書也司馬遷曰學者多稱五帝然尚書獨載堯以來而百家言黃帝其文不雅馴薦紳先生難言之故爲歷代所不取也尚書以後羣經又皆以尚書爲綱領隋書經籍志云書之興蓋與文字俱起孔子觀書周室得虞夏商周四代之典取其善者爲百篇劉知幾曰尚書者七經之冠冕百氏之襟袖學者必先精此書次覽羣籍司馬光曰尚書者二帝三王嘉言要道盡在其中爲政之成規稽古之先務也欲求楷模莫盛於此許謙曰聖人欲納天下于善無他道焉惟示之觀戒而已故孔子于春秋嚴其褒貶之詞使人知所懼于尚書獨存其善使人知所法朱子曰堯舜禹之相授也曰人心惟危道心惟微惟精惟一允執厥中楊時曰夫所謂中者豈執一之謂哉亦貴乎時中也時中者當其可之謂也綜觀諸儒之論及本書所載則尚書一書不可單作聖人傳授心法之道理學看舉凡世界之典章文物如天文地理物理數學刑法政制田賦兵戎等皆肇基于此至其源流陸德明曰秦火後濟南伏生失其本經口誦二十九篇授濟南張生及千乘歐陽和伯張生授魯人夏侯都尉都尉傳族子始昌始昌傳族子勝漢會立歐陽尚書宣帝時詔勝撰尚書說爲尚書章

句二十九卷號大夏侯氏學夏侯建師事夏侯勝後又有小夏侯氏學至成帝時後人附益多至百篇成帝命劉向校之非是遂黜其書景帝時魯恭王壞孔子舊宅得之壁中者皆科斗文字當時無能知者詔孔安國合伏生所授爲隸古寫之多二十五篇又伏生誤合五篇共五十九篇以事不獲奏上藏之私家以授都尉朝及司馬遷等孔穎達曰伏生所傳三十四篇謂之今文大小夏侯歐陽三家所傳及漢末蔡邕所勒石經者是也孔安國用隸古寫者謂之古文劉歆賈逵馬融等所傳者是也陳第曰孔安國古文二十五篇至東晉始顯唐人疏之乃大行于世真德秀曰蔡仲默西山先生之季子也從朱文公遊文公晚年訓傳諸經略備獨書未及整環顧諸門人遂以囑君君沉潛反復數十年訂定諸儒之說發明二帝三王群聖賢用心之要如洪範洛誥泰誓諸篇往往有先儒所未及者以上論尚書

虞書曰詩言志歌永言班固曰誦其言謂之詩詠其聲謂之歌孔穎達曰舜典命樂已道歌詩經典言詩無先於此者又曰名爲詩者內則註云詩之爲言承也春秋說題詞云詩之爲言志也詩緯云詩者持也然則詩有三訓承也志也持也作者承君政述己志而爲詩所以持人之行故一名而三訓也至其源流毛詩者陸明德曰徐整云子夏授詩于高行子高行子授薛蒼子薛蒼子授帛妙子帛妙子授大毛公大毛公爲訓故傳于家以授趙人小毛公

小毛公爲河間獻王博士以不在漢朝故不列于學官魯詩者漢初魯人申公受詩于浮邱伯爲訓故以教無傳疑者闕不傳號曰魯詩武帝時郎中令王臧御史大夫趙綰臨淮太守孔安國等十餘人爲博士皆其弟子也齊詩者齊人轅固作詩傳號齊詩傳夏侯始昌后蒼蕭望之匡衡等韓詩者燕人韓嬰推詩之意作內外傳號曰韓詩前漢時魯齊韓三詩列于學官平帝時毛詩始立漢末齊詩久亡魯詩不過江東韓詩雖在無人傳者唯毛詩鄭箋獨立國學朱子曰詩自齊魯韓之說不傳學者盡宗毛氏而推行毛詩之獨存者惟鄭箋而已至於本朝劉侍讀歐陽公王丞相蘇黃門河南程氏橫渠張氏始用己意有所發明以上論詩孔穎達曰易者變化之總名改換之殊稱自天地開闢陰陽運行寒暑迭來日月更出乎萌庶類亨毒群品新新不停生生相續莫非資變化換代之功然變化運行在陰陽二氣故聖人初畫八卦設剛柔兩畫象二氣也布以三位象三才也謂之易取變化之意朱子曰聖人作易本是使人卜筮以決所行之可否而因之以教人爲善如嚴君平謂與人子言依于孝與人臣言依于忠故卦爻之辭只是因依象類虛設于此以待叩而決者使以所值之辭決所疑之事似若假之神明而亦必有是理而後有是辭理無不正故其丁寧告戒之辭皆依于正天下之動所以正夫一而不謬于所之也至其源流周禮云大卜掌三易之法一曰連

山二曰歸藏三曰周易鄭康成象山出雲連連不絕歸藏萬物易道周普之說爲後世所不取杜子春曰神農氏一曰連山氏亦曰烈山氏黃帝一曰歸藏氏商湯之易亦曰歸藏既連山歸藏並是代名則周易自是周家之易也連山歸藏之易早亡商紂王十有一祀囚周侯昌于羑里西伯被囚而演易作彖辭周公居東作爻辭孔子晚年作十翼後人說易有謂易爲聖人說理之書有謂易專爲卜筮之書宋儒惟周邵程張數理兼論朱子得邵子之傳又作啓蒙今之通行本以朱子本義爲主以上論易

虞書曰修五禮長孫無忌曰吉凶軍賓嘉謂之五禮周公因之弘制斯文故曰禮經三百威儀三千成康由之而刑厝不用自禮衰樂微風凋俗弊仲尼於是糾禮興樂欲以救時顧道鬱不行故曰婚姻之禮廢則淫僻之罪多鄉飲酒之禮廢則爭鬥之獄繁喪祭之禮廢則骨肉之恩薄朝聘之禮廢則侵陵之漸起司馬光曰禮之爲用大矣用之於身則動靜有法而百行備焉用之於家則內外有別而九族睦焉用之於國則君臣有叙而政治成焉用之於天下則諸侯順服而紀綱正焉豈直几席之上戶庭之間得之而不亂哉張子曰看得儀禮則曉得周官與禮記仲長統曰周禮指儀禮說之經禮記之傳禮記作於漢儒雖名爲經其實傳也陸德明曰禮記記二禮之遺闕故名禮記

儀禮漢書儒林傳漢興魯高堂生傳士禮十七篇授瑕丘蕭奮官至淮陽太守奮授東海孟卿孟卿授后蒼蒼爲曲臺記授梁戴德延君戴聖次君沛慶普孝公孝公爲東平太傅德號大戴爲信都太傅聖號小戴以博士論石渠至九江太守後漢馬融傳小戴學授之鄭康成康成爲之注

禮記張子曰禮記大抵出于孔門二三子之傳隋書經籍志云漢初何間獻王得仲尼弟子及後學所記一百三十一篇獻之時亦無傳之至劉向考校經籍檢得一百三十篇向因第而叙之又得明堂陰陽記三十三篇孔子三朝記七篇王氏史氏記二十一篇樂記二十三篇凡五種合二百四十篇戴德刪其煩重合而記之爲八十五篇謂之大戴記而戴聖又刪大戴書爲四十六篇謂之小戴記漢末馬融傳小戴之學融又足月令一篇明堂位一篇樂記一篇合四十九篇鄭康成受業於馬融又爲之注晁公武曰經禮三百曲禮三千一言以蔽之曰毋不敬故先儒以爲全書之首


周禮隋書經籍志漢時有李氏得周官蓋周公所制官政之法上於河間獻王獨闕冬官一篇獻王購以千金不得遂取考工記漢制考工主製器械令丞屬合成六篇奏之河南緄氏杜子春受業於劉歆因以教授是後馬融作周官傳以授鄭康成康成因之作周官注賈公

彥馬融皆云周官漢武時始出而三禮皆以鄭註傳于今世以上論三理

周靈王二十一年庚戌魯襄公二十二年冬十月庚子孔子生初周命微子啓爲殷後國於宋其弟名衍嗣其後號微仲生宋公稽稽生丁公申申生緡公及襄公熙熙生弗父何及厲公方弗父何以下世爲宋卿何生宋父周周生勝勝生正考父考父生孔父嘉五世親盡別爲公族故後以孔爲氏孔父生木金父木金父生罍夷罍夷生防叔防叔畏華氏之逼而奔魯防叔生伯夏伯夏生叔梁紇爲鄒大夫娶于顏氏而生孔子周敬王三十六年魯哀公十一年季康子問于冉有曰子于軍旅學之乎性之乎冉有曰學之於孔子季康子遂以幣迎孔子自衛返魯哀公問政終不能用乃序書刪詩傳易正禮樂因魯史作春秋敬王三十九年哀公十四年春魯人西狩于大野獲麟孔子作春秋自隱至哀十二公於是絕筆賈逵服虔皆以爲孔子自衛返魯考正禮樂修春秋約之以周禮三年文成敬王四十一年魯哀公十六年四月十六日孔子卒孔子歷靈王七年景王二十五年敬王四十一年卒年七十三歲以上記孔子與春秋

羅馬麻象授時之圖

前年十九百九千今距




堯典四仲中星之圖

(四)


冬至日在虛初昏
仲冬

星昴正七宿之中
星昴



舜典璣玉衡之圖

(前年百七十四今距)



尚書本義卷之一

王養怡講

孔穎達曰聖賢闡教事顯於言言愜羣心書而不法因號曰書見其久遠來自上世尚者上也言此上代以來之書故曰尚書

案尚有尊崇高尚之意又有最初本始之意孔子觀書周室刪定舊典以尚書為第一部書

虞書

虞舜氏因以為有天下之號也書凡五篇堯典雖紀唐堯之事然本虞史所作故曰虞書其舜典以下夏史所作當日夏書春秋傳亦多引為夏書此云虞書或以為孔子所定也

案帝堯四十有一載甲申虞舜生舜之先國于虞括地志虞在陝州河北縣虞山上河北縣故城在今山西平陸縣案清一統志河北

縣故城在今山西芮城縣東北里許屬解州系出虞幕史記以舜為帝顓頊五世孫左傳但言自幕至於瞽瞍

瞍盲母握登生舜于姚虛今山西蒲州府永濟縣後居鵯汭二水名在永濟縣雷首山下

史記五帝紀

黃帝，昌意，顓頊，窮蟬，敬康，句望，橋牛，瞽瞍，舜

路史廐陵羅泌字長源宋人以為不然

堯典

堯唐帝名說文典從册在丌上尊閣之也此篇以簡册載堯之事故曰堯典後世以其所載之事可為常法故又訓為常也今文古文皆有

案三皇五帝之說自古未定胡五峰名宏字仲仁曰孔子易大傳以伏羲神農黃帝堯舜為

五帝而三皇無所指孔安國曰古者伏羲氏之王天下也始畫八卦造書契以代結繩之政

由是文籍生焉伏羲神農黃帝之書謂之三墳爾雅曰墳言大道也少昊顓頊高辛唐虞之

書謂之五典言常道也或有問于朱子曰三皇之說甚多以何者為是朱子曰無處理會當

且依孔安國之說

太昊伏羲氏風姓生於成紀成紀故城在今陝西秦州府秦安縣都陳今河南陳州府治是也葬于陳今太昊陵在

懷寧縣西北

炎帝神農氏起于烈山烈山一名厲山在今湖北德安府隨州北荊州故亦曰烈山氏長于

姜水在今陝西鳳翔府岐山縣東水經注曰岐水東逕姜氏城南為姜水故以姜為姓都陳遷曲阜葬于長沙之茶鄉炎帝陵在今湖南衡州府

縣西

黃帝軒轅氏神農氏諸侯少典氏之子生帝于軒轅之邱今河南開封府新鄭縣故曰軒轅氏姓公孫

長于姬水又以姬為姓國于有熊即新鄭亦曰有熊氏崩于荆山今河南陝州閿鄉縣南葬于橋山在今陝西

鄠州中部縣西北亦曰子午山接甘肅慶陽府真寧縣界黃帝陵在山上

少昊金天氏名摯亦曰青陽已起音姓黃帝之子自窮桑曲阜北登帝位都曲阜葬于曲阜少昊陵在

曲阜縣東北

顓頊高陽氏姬姓黃帝之孫黃帝元妃西陵氏生昌意昌意不得立降居若水即濶水今名打冲河源出

西番巡四川密遠府西昌諸縣界與金沙江合娶蜀山氏女生帝帝十歲佐少昊二十即帝位初國高陽今河南開封府杞縣

高陽是都帝邱今直隸大名府開州有濮陽故墟葬于濮陽衛輝府滑縣東北

帝嚳高辛氏姬姓名交通鑑七倫切了凡讀如乙少昊之孫父曰橋極帝年十五佐帝頊受封于辛今河南歸德府商邱縣南有高辛里元和志帝嚳初封此

年三十代高陽氏為天子都於亳今河南偃師縣有亳城帝葬於頓邱今直隸大名府清豐縣西南帝嚳陵在今河南衛輝府滑縣東北

帝嚳

橋極

黃帝 — 少昊 — 顓頊 — 嚳 — 堯

昌意

尚書本義卷之一

帝堯陶唐氏姬姓高辛氏次子初高辛氏元妃有郤氏女曰姜嫄生棄次妃有娥氏女曰簡狄生契三妃陳鋒氏女曰慶都生堯四妃娥訾氏女曰常儀生摯摯在兄弟中最長故登帝位堯年十三佐帝摯封植受封於陶今山東曹州府定陶縣又封于唐今定州唐縣故曰陶唐氏年十六諸

侯廢帝摯而尊堯爲天子都平陽

平陽故城在今山西臨汾縣

孔穎達曰舜登庸由堯故追堯作典○經之與典俱訓爲常名典不名經者以經是總名包殷周以上皆可爲後代常法故以經爲名典者經中之別特指堯舜之德於常行之內道最爲優故名典不名經也

曰若稽古帝堯曰放勳欽明文思安安允恭克讓光被四表格于上下

曰粵越通古文作粵曰若者發語辭稽考也史臣將叙堯事故先言考古之帝堯者其德如下文所云也曰者猶言其說如此也放至也猶孟子言放乎四海是也勳功也言堯之功大而無所不至也欽恭敬也明通明也敬體而明用也文文章也思意思也文著見而思深遠也安安無所勉強也言其德性之美皆出于自然而非勉強所謂性之者也允信克能也常

人德非性有物欲害之故有強爲恭而不實欲爲讓而不能者惟堯性之是以信恭而能讓也光顯被及表外格至上天下地也言其德之盛如此故其所及之遠如此也蓋放勳者總言堯之德業也欽明文思安安本其德性而言也允恭克讓以其行實而言也至於被四表格上下則放勳之所極也孔子曰惟天爲大惟堯則之故書叙帝王之德莫盛于堯而其贊堯之德莫備于此且又首以欽之一字爲言此書中開卷第一義也讀者深味而有得焉則一經之全體不外是矣

「案」欽明文思是爲君之道卽是爲政之道亦卽格物致知誠意正心立身持家之道聖人如是常人亦應如是只是聖人用之于天下萬幾常人用之于立身接物之不同耳

克明俊德以親九族九族既睦平章百姓百姓昭明協和萬邦黎民於變時雍

明明之也俊大也堯之大德上文所稱是也九族高祖至玄孫之親舉近以該遠五服異姓之親亦在其中也睦親而和也平均章明也百姓畿內民庶也昭明皆能自明其德也萬邦天下諸侯之國也黎黑也民首皆黑故曰黎民於歎美辭變變惡爲善也時是雍和也此言

堯推其德自身而家而國而天下所謂放勳者也

「集說」九族之說禮記親親以三爲五以五爲九鄭康成注已上親父下親子三也以父親祖以子親孫五也以祖親高祖以孫親玄孫九也孔穎達曰夏侯歐陽以爲九族者父族四五屬之內卽由祖至孫夫婦昆弟爲一族父女昆弟適人者與其子爲一族已女昆弟適人者與其子爲一族已之子適人者與其子爲一族母族三母之父姓爲一族母之母姓爲一族母之女昆弟適人者爲一族妻族二妻之父姓爲一族妻之母姓爲一族朱子曰不必如此拘泥但其所親者皆是○蘇軾曰百姓凡國之大族民之望也方是時上世帝皇之子孫其得姓者蓋百餘族而已故曰百姓○程子曰時雍者化成俗美而時雍和也○陳大猷曰於如詩於穆之於蓋神化之妙難以形容與直言變者氣象不作矣

「案」大學說明明德是教常人用工的方法堯典說克明俊德是聖人既有的事實

乃命羲和欽若昊天厯象日月星辰敬授人時

乃者繼事之辭羲氏和氏主厯象授時之官若順也吳廣大之義厯所以記數之書象所以觀天之器如下篇璇衡之屬是也日陽精一日而繞地一周月陰精一月而與日一會星二

十八宿衆星爲經金木水火土五星爲緯皆是也

漢天文志經星常宿中外官凡一百十八名積數七百八十三星

一辰以日

月所會分周天之度爲十二次也人時謂耕獲之候凡民事早晚之所關也

「集說」楚語云顓頊命南正重司天以屬神北正黎司地以屬民堯育重黎之後使復興之以至夏商更無他姓呂刑稱乃命重黎傳云重卽羲黎卽和也○吳天者混元之氣昊然廣大也袁了凡曰上古之世太極生兩儀兩儀生四象四象變化庶類繁興○黃帝受河圖見日月星辰之象於是始有星官之書命大撓占斗綱所建命容成作蓋天以象周天之形黃鎮成曰天體蒼蒼無以測其旋運古之聖人乃舉二十八舍推晝夜之所移以分度限一歲而周得三百六十五度四分度之一有奇因列舍之方析而爲四象因日月之所會布而爲十二次天體於是可推四時於是可正○東方七宿曰角亢氐房心尾箕有蒼龍之形北方七宿曰南斗牽牛須女虛危營室東壁有玄武之形西方七宿曰奎婁胃昂畢觜鱸參有白虎之形南方七宿曰東井輿鬼柳星張翼軫有朱鳥之形謂之四象○王氏曰據漢律厯志及晉天文志云自南斗十二度至婺女晉曰須女七度初爲大雪中爲冬至於辰在丑名曰星紀自婺女八度至危十五度初爲小寒中爲大寒於辰在子名曰玄枵自危十六度至奎四度初爲立春中爲雨水於辰在亥名曰諫訾自奎五度至胃六度初爲驚蟄中爲春分於辰

在戌名曰降婁自胃七度至畢十一度初爲清明中爲穀雨於辰在酉名曰大梁自畢十二度至井十五度初爲立夏中爲小滿於辰在申名曰實沉自井十六度至柳八度初爲芒種中爲夏至於辰在未名曰鶉首自柳九度至張十七度初爲小暑中爲大暑於辰在午名曰鶉火自張十八度至軫十一度初爲立秋中爲處暑於辰在巳名曰鶉尾自軫十二度至氐四度初爲白露中爲秋分於辰在辰名曰壽星自氐五度至尾九度初爲寒露中爲霜降於辰在卯名曰大火自尾十度至南斗十一度初爲立冬中爲小雪於辰在寅名曰析木總謂之十二次五星者一曰木星又名歲星十二歲一周天二曰火星又名熒惑二歲一周天三曰金星又名太白一歲一周天四曰水星又名辰星一歲一周天五曰土星一名鎮星又曰填星二十八歲一周天漢高元年五星聚于東井卽此五星也○黃鎮成曰經於春曰星鳥者以見四方列舍之有四象也於夏曰星火者以見一歲之日月所會有十二次也於秋曰星虛於冬曰星昴者以見象次皆列舍之所分也中星所指定正南之位分二十四氣以察四仲所指之星綴日於天正虛一度則爲冬至昴宿昏見於午斗杓指子爲仲冬之中氣隨時遞轉可以類知王氏曰據此則今時一月一日綴日於天應在正危一度畢宿昏見於午斗杓指子末爲仲冬之末季冬之初也○王氏曰歷象者以數記之而成歷以器觀之而有

象又曰觀其象以器記其數成曆

「案」歷象授時之道中國發明遠在四千年前西方效法近在二千年內而近百年來西方科學昌明天文學亦自然隨之精進究其根源當是祖述堯舜茲舉二事足資證明一用堯典歷象授時之圖推現行西曆日數毫釐不爽二西方古代觀天器卽是舜典璣衡見

Armillary sphere 註脚及插圖

分命羲仲宅嵎夷曰暘谷寅賓出日平秩東作日中星鳥以殷仲春厥民析鳥獸孳尾

此下四節言曆既成而分職以頒布且考驗之恐其推步之或差也或曰上文所命蓋羲伯

和伯此乃分命其仲叔未詳是否也宅居也嵎夷卽禹貢嵎夷既略者也孔安國傳東表之地稱嵎夷正義曰

青州在東界外之畔爲表薛季宣書古文訓謂嵎夷海隅諸夷今登州于欽齊乘又指爲甯海州皆是曰暘谷者取日出之義孔安國曰暘明也日出于谷而

天下明故曰暘谷 羲仲所居官次之名蓋官在國都而測候之所則在嵎夷東表之地也寅敬也賓

禮接之如賓客也出日方出之日蓋以春分之旦朝方出之日而識其初出之景也平均秩

序作起也東作春月歲功方興所當作起之事也朱子曰平秩東作之類只是如今穀雨芒種之節候爾林少穎作萬物作之作說即

意是此蓋以歷之節氣早晚均次其先後之宜以授有司也○日中者春分之刻於夏永冬短為適中也晝夜皆五十刻舉畫以見夜故曰日星鳥南方朱鳥七宿唐孔氏曰總舉七宿皆得也唐一行推以鶉火為春分昏之中星也金履祥曰午上有鶉鳥星在星尾之東首西也也春分陽之中也析散也先時冬寒民聚于隕至是則以民之散處而驗其氣之溫也乳化曰孳交接曰尾以物之生育而驗其氣之和也

申命羲叔宅南交曰明都平秩南訛敬致日永星火以正仲

夏厥民因鳥獸希革

申重也南交南方交趾之地黃度曰案漢初置交趾郡後置交州杜佑通典曰復禹舊號是則本名交後世增益之也地理今釋南交今安南國林之奇尚書解云南交即交趾也史記五帝本紀曰黃帝之地北至幽陵南至交趾訛化也謂夏月時物長盛所當變化之事也史記索隱作南為謂所當為之事也敬致周禮所謂冬夏致日蓋以夏至之日中祠日而識其景如所謂日至之景尺有五寸謂之地中者也周禮疏云周公欲求土中而營王城故有土圭測日影之法永長也日永晝六十刻也星火東方蒼龍七宿火謂大火金履祥曰心宿有三星中一星名曰大火夏至昏之中星也正者夏至陽之極午為正陽位也因析而又析以氣愈熱而民愈散處也希革鳥獸毛希而革易也

「案」土圭之法鄭衆云土圭之長尺有五寸以夏至之日立八尺之表其景與土圭等謂之

地中今潁川河南許州今陽城東南三十五里地也陽城由後周顯德中省入登封縣中○史

記武王謂周公曰南望三塗北望嶽鄙顧詹有河粵詹伊洛毋遠天室營周居于洛邑三塗山名

在河南府嵩縣西南嶽鄙社預曰成王七年欲成武王之志命名召公先之洛相宅周公復卜

嶽河北太行山部都鄙近嶽之邑卒營築謂之東都定鼎于郊鄆今河南洛陽縣西南

石山瀍水出洛陽縣穀成山俱入洛營以爲都其南曰定鼎門八年周公又卜瀍水東爲下都即今洛陽故城曰成周又名東郊以居殷

民今洛陽是也二城相距十有八里

洛水自陝州盧氏縣流入東北經永甯縣南又東北入宜陽縣北又東北經洛陽縣與澗

禹貢導洛自熊耳東北入于澗

伊水自陝州盧氏縣熊耳山發源流逕嵩縣西南五里東北經伊

蘇軾曰黎陽今之大名路溶州也其地有黎陽津亦名白馬津溶縣西淇縣北即古朝歌地

武王謂周公曰北望嶽鄙註云都鄙者即指朝歌而言○史氏云澗瀍之東西即洛之中也

瀍水之東即洛之偏也同名爲洛而王城頃民之居不同

分命和仲宅西曰昧谷寅餞納日平秩西成宵中星虛以殷
仲秋厥民夷鳥獸毛毼

西謂西極之地曰昧谷者以日所入而名也餞禮送行者之名納日方納之日也

申時行曰納日在西

時酉蓋以秋分之莫夕方納之日而識其景也西成秋月物成之時所當成就之事也宵夜也宵中者秋分夜之刻於夏冬爲適中也晝夜亦各五十刻舉夜以見日故曰宵星虛北方玄武七宿之虛宿秋分昏之中星也亦曰殷者秋分陰之中也夷平也暑退而人氣平也毛毼鳥獸毛落更生潤澤鮮好也

「集說」孔穎達曰谷者日所行之道故謂日入之處爲昧谷非實有谷而日入也○王肯堂曰日出日納日之日日月之日也日中日短之日日夜之日也

申命和叔宅朔方曰幽都平在朔易日短星昴以正仲冬厥
民隩鳥獸氄毛

朔方北荒之地謂之朔者朔之爲言蘇也萬物至此死而復蘇猶月之晦而有朔也日行至

是淪於地中萬象幽暗故曰幽都在察也朔易冬月歲事已畢除舊更新所當改易之事也日短晝四十刻也星昴西方白虎七宿之昴宿冬至昏之中星也亦曰正者冬至陰之極子爲正陰之位也隕室之內也氍毛鳥獸生與龜細毛以自溫也

〔集說〕中星或以象言或以次言或以星言者蓋星適昏中則以星言如星虛星昴是也星不當中而當其次者則以次言如星火是也次不當中而適介于兩次之間者則以象言如星鳥是也

書經彙纂案云恒星隨天左旋自東而西又有自行度分自西而東即自東而西之遲緩率每歲所行

今定爲五十一秒卽古之歲差也其自行分秒雖微久則自著堯時春分日躔在昴而初昏中星爲鶉鳥今之春分日躔在室而初昏中星則在東井堯時夏至日躔在星而初昏中星爲大火今夏至日躔於觜而初昏中星則亢宿中之大角偏東數分餘堯時秋分日躔在房而初昏中星爲虛今秋分日躔於翼而初昏中星則南斗第四星偏東數分餘堯時冬至日躔於虛而初昏中星爲昴今冬至日躔於箕而初昏中星則室宿中之雲雨星偏東數分餘

〔案〕歲差至隋劉焯以約七十五年退一度爲近似朱子曰自堯時至今中星已差五十度王氏曰按上一二說則今日之中星應差六十度餘○分命者義和之分申命者仲叔之別

三十二日九百四十分日之六百單一五歲再閏則五十四日九百四十分日之三百七十
五王氏曰五年內無再閏易繫辭有五歲再閏故再劫之文鄭十有九歲七閏則氣朔分齊
是爲一章也王氏曰十九倍其二十日九百四十分日之八百二十七得二百單六日又六百
又六百七十三分故三年不置閏則春之一月入于夏而時漸不定矣子之一月入于丑而
此之謂氣朔分齊
歲漸不成矣積之之久至於三失閏則春皆入夏而時全不定矣十二失閏子皆入丑歲全
不成矣其名實乖戾寒暑反易農桑庶務皆失其時故必以此餘日置閏月於其間然後四
時不差而歲功得成以此信治百官而衆功皆廣也

註王肅曰斗之所建是爲中氣日月所在斗指兩辰之間無中氣故以爲閏也○朱子曰中
氣只在本月若趨得中氣在月盡後月便當置閏○黃度曰秦顓頊歷置閏在歲後堯歷考
中星定分至隨月置閏故四時不差遂爲後世法

「案」閏月定時之說由漢迄清注疏經解以及各人專著都無明論惟蔡傳說得肯綮而元
明清註解蔡傳者反多煩贅不通今就蔡傳字句辭意之間尋繹得來簡明解釋如下傳謂
二十八宿運行每日往西過一度自然是日對二十八宿每日不及一度又日月對二十八
宿每日不及十三度十九分之七自然是月對日每日不及十二度十九分之七欲求日月

相會自然是用十二又十九分之七去除三百六十五又四分之一卽得之矣

帝曰疇咨若時登庸放齊曰胤子朱啟明帝曰吁嚚訟可乎

此下至嚚績用弗成皆爲禪舜張本也疇誰咨訪問也若順庸用也堯言誰能爲我訪問能順時爲治之人而登用之乎放齊臣名胤嗣也胤子朱堯之嗣子丹朱也啓開也言其性開明可登用也吁者歎其不然之辭嚚謂口不道忠信之言訟爭辯也朱蓋以其開明之才用之于不善故嚚訟禹所謂傲虐是也此見堯之至公至明深知其子之惡而不以一人病天下也或曰胤國子爵堯時諸侯也夏書有胤侯周書有胤之舞衣今亦未見其必不然姑存於此云

「集說」林之奇曰虞書上采堯事爲舜典張本則必推本舜之所以得天下於堯使朱果胤國之君則其事不應載之堯典史記作嗣子丹朱其說是也○朱子曰自疇咨若時登庸到篇末只是一事皆是爲禪位設也一舉而放齊舉胤子再舉而驩兜舉共工三舉而四岳舉嚚皆不得其人故卒以天下授舜○呂祖謙曰登庸者大用之意也

「案」通鑑夏侯仲康元歲命胤侯掌六師注胤國名路史以爲利之胤山在今四川保寧府

帝曰咨四岳湯湯洪水方割蕩蕩懷山襄陵浩浩滔天下民

其咨有能俾乂兪曰於鯀哉帝曰吁咈哉方命圯族岳曰异

哉試可乃已帝曰往欽哉九載績用弗成

四岳官名一人而總四岳諸侯之事也湯湯水盛貌洪大也孟子曰水逆行謂之洚水洚水

者洪水也蓋水涌出而未洩故汜濫而逆流也割害也唐孔氏曰刀害為割故割為害也蕩蕩廣貌懷包其

四面也襄駕出其上也大阜曰陵浩浩大貌滔漫也極言其大勢若漫天也俾使乂治也言

有能任此責者使之治水也兪衆共之辭四岳與其所領諸侯之在朝者同辭而對也於歎

美辭鯀崇伯名唐孔氏曰周語云有崇伯鯀是崇君伯爵故云鯀崇伯之名王氏曰通鑑

鄭縣清一統志鄆夏有扈氏之國鄆或導之誤也王鳳州云鯀事堯封於崇為伯歎其美而薦之也咈者甚其不然之辭方命者逆

命而不行也王氏曰圓則行方則止方命猶今言廢閣詔令也蓋鯀之為人悻戾自用不從

上令也圯敗族類也言與衆不和傷人害物鯀之不可用者以此也楚辭言鯀婞直是其方

命圯族之證也岳曰四岳之獨言也异義未詳疑是已廢而復強舉之之意潘氏士遴曰說

哉便有不試可乃已者蓋廷臣未有能於鯀者不若姑試用之取其可以治水而已言無預

得已意

它事不必求其備也。朱子曰：「昇哉是不用亦可，試可乃已。」堯於是遣之往治水而戒以欽哉。言試而可則用之亦可，而已之也。禮周曰：「年唐虞曰：載。」九載三考，功用不成，故黜之。

「案」岳曰：「昇哉之昇，蔡傳獨言義，未詳。後人有強爲之解者，夫蔡氏之學親炙於朱子，又返復數十年於朱子之說，及說文之義，焉有不曉之理？」曰：「舉曰異，皆可以用而蔡氏寧曰未詳，是必其返復數十年間，意有未洽也。吾人學經學，其義理故實而已，一字一句之未詳，其無害於義理故實者，皆不必強爲之解，庶乎聖道昌明而典故詳實矣。」

帝曰：咨四岳，朕在位七十載，汝能庸命，巽朕位。岳曰：否德忝帝位。曰：明明揚側陋。師錫。帝曰：有鰥在下，曰虞舜。帝曰：兪予聞如何。岳曰：瞽子，父頑，母嚚，象傲，克諧以孝，烝烝乂，不格姦。帝曰：我其試哉。女于時，觀厥刑于二女。釐降二女于媯汭，嬪于虞。帝曰：欽哉。

朕古人自稱之通號吳氏曰巽遜古通用言汝四岳能用我之命而可遜以此位乎蓋丹朱既不肖羣臣又多不稱故欲舉以授人而先之四岳也否不逋忝辱也明明上明謂明顯之下明謂已在顯位者揚舉也側陋微賤之人也言惟德是舉不拘貴賤也師衆錫與也四岳羣臣諸侯同辭以對也鰥無妻之名虞氏舜名也虞王肅曰地名黃俞應許之辭予聞者我亦嘗聞是人也如何者復問其德之詳也岳曰四岳獨對也瞽無目之名言舜乃瞽者之子也舜父號瞽叟心不則德義之經為頑母舜後母也象舜異母弟名傲驕慢也諧和烝進也言舜不幸遭此而能和以孝使之進進以善自治而不至於為姦惡也程子曰烝烝勉益漸進之意陳埴曰不格姦亦謂能感動其慈女以女與人也時是刑法也二女堯二女娥皇女英也此堯言其將試舜之意也莊子所謂二女事之以觀其內是也蓋夫妻之間隱微之際正始之道所繫尤重故觀人者於此為尤切也齎理降下也陳埴曰齎降只是它經媯水名在今河中府河東縣河中府今平陽府出歷山入河爾雅曰水北曰洎亦小水入大水之名蓋兩水合流之內也河東縣今蒲州故從水從內蓋舜所居之地漢孔氏唐孔氏薛季宣經典釋文皆不以洎為水名水經注云歷山有舜井媯水出焉南曰媯水北曰洎水異源同流皆南入于河史記正義引地記云河東郡青山東山中有一泉南流者為媯水北流者為嬪婦也虞洎水今考山西平陽府蒲州南有媯水二水皆南注大河與水經注地記二書合嬪婦也虞舜氏也史言堯治裝下嫁二女于媯水之北使為舜婦于虞氏之家也欽哉堯戒二女之辭

卽禮所謂往之女家必敬必戒者况以天子之女嫁於匹夫尤不可不深戒之也

「集說」孔安國曰堯年十六以唐侯升爲天子在位七十年則時八十六陳大猷曰舜自處頑嚚傲之間而盡其道固難使二女處焉而亦盡其道尤難使非化二女與已同德安能如此二女亦舜之儔也歟

「總論」程子曰自放勳至格于上下堯之德也自克明俊德至於變時雍堯治天下之道也自乃命羲和至庶績咸熙立治之法也自帝曰疇咨以下至篇終言堯之聖明能知人也○呂祖謙曰堯典一篇始終無非欽也始之欽明終之欽哉其中曰允恭曰欽若曰敬授曰寅賓寅饒曰敬致曰往欽哉皆以敬爲辭○熊禾曰韓子云堯以是道傳之舜舜以是道傳之禹湯文武周公孔子則堯典是第一傳道之祖以前雖有伏羲神農黃帝三聖人者作孔子作易大傳不過畧述其開物成務大概而已創制立法蓋未詳也堯典曰放勳孔子稱之亦曰巍巍乎其有成功煥乎其有文章蓋混沌旣判至堯適當一元文明之會也○人君以一身出而爲天地人物之宗主不過爲生民立極盡其輔相財成之道三才之責旣盡則聖人之能事畢矣王氏曰尙書所載盡是天文地理人事人事之繁蹟載在各篇而其綱領立自堯典地理治水雖在禹貢而實肇始於堯且其意在民生厯象授時爲易詩禮春秋三傳及

今日中西各國之所宗○堯典一篇所尚者只一敬字所戒者頑嚚傲與不肖而已有聖人之子有聖人之兄不能掩其頑嚚傲有聖人之父不能掩其不肖鯀殛禹用是其忠也有鯀在下是其孝也二女嬪虞協和父母是婦德也夫婦君臣之道盡乎此民生國計之道亦盡乎此孰謂尚書有後人僞作者如其僞也何以漢唐至今崇而尚之縱令其僞而理眞事實又何可不學縱令其眞而理謬事虛又何必學天下之書夥矣只論其是不是何論其僞不僞孔子實有其人乎抑無其人乎孔子之時當無所謂僞歷代諸儒果有其人乎抑無其人乎歷代諸儒不盡言僞後學者不探其奧而但言其僞謬矣劉幾知曰尚書者七經之冠冕百氏之襟袖學者必先精此書次覽羣籍是爲得之

舜典

今文古文皆有今文合於堯典而無篇首二十八字○唐孔氏曰東晉梅賾上孔傳闕舜典自乃命以位以上二十八字世所不傳多用王范之注補之而皆以慎徽五典以下爲舜典之初至齊蕭鸞建武四年姚方興於大航頭得孔氏傳古文舜典乃上之事未施行而方興以罪致戮至隋開皇初購求遺典始得之今案古文孔傳尚書有曰若稽古以下二十八字

伏生以舜典合於堯典只以慎徽五典以上接帝曰欽哉之下而無此二十八字梅賾既失孔傳舜典故亦不知有此二十八字而慎徽五典以下則固具於伏生之書故傳者用王三國魏王晉豫章太守范滂范滂之注以補之至姚方興乃得古文孔傳舜典於是始知有此二十八字或者由此乃謂古文舜典一篇皆盡亡失至是方全得之遂疑其偽蓋過論也

「集說」金履祥曰子王子曰孟子引堯典今皆載於舜典有以證孟子所讀未嘗分也孔壁之分以册書舒卷之長分之無他義也自蕭齊姚方興以二十八字加於慎徽五典之上然後典分爲二勢不得合矣且玄德二字六經無此語此莊老之言晉宋所尙愚知其非本語履祥案重華見於楚辭玄德見於淮南子則此二十八字虛書當已有之非至宋齊間方作此附會也

曰若稽古帝舜曰重華協于帝濬哲文明溫恭允塞玄德升聞乃命以位

華光華也協合也王肯堂曰再見帝謂堯也濬深哲智也溫和粹也塞實也真德秀曰唐虞之時未有誠字此云允塞即誠義也玄幽潛也升上也言堯既有光華而舜又有光華可合于堯因言其目則深沉而

有智文理而光明和粹而恭敬誠信而篤實有此四者幽潛之德上聞於堯堯乃命之以職位也

「集說」金履祥曰協于帝則自欽明而下皆與帝堯協然聖德則一而資質功力氣象自各不同故又以潛哲以下形容之光被至時雍君道也玄德至弗迷臣道也

慎徽五典五典克從納于百揆百揆時叙賓于四門四門穆穆納于大陸烈風雷雨弗迷

徵美也五典五常也程子曰堯既命之以位而舜敬美其五常之教父子有親君臣有義夫婦有別王氏曰無事責

長幼有序朋友有信是也從順也左氏所謂無違教也此蓋使爲司徒之官也吳澄曰此試

之揆度也百揆者揆度庶政之官王炎曰入處惟唐虞有之猶周之冢宰也以吳澄曰此試之事其位故曰納

時叙以時而叙左氏所謂無廢事也四門四方之門古者以賓禮親邦國諸侯各以方至而

使主焉故曰賓孔安國曰四方諸侯來朝者舜賓迎之穆穆和之至也左氏所謂無凶人也此蓋又兼四岳之

官也吳澄曰此試之麓山足也烈迅迷錯也史記曰堯使舜入山林川澤相視原隰雷雨大

至衆懼失常而舜不迷其度量有絕人者而天地鬼神亦有以相之歟愚謂遇烈風雷雨

非常之變而不震懼失常非固聰明誠智確乎不亂者不能也易震驚百里不喪匕鬯意爲近之

「案」堯典舜典所記聖德雖一金氏謂其功力各異愚以爲尤異者爲烈風雷雨弗迷一句夫猝然遇變而不驚賢者亦能之何足以此讚美大舜虞書記此蓋讚舜之勇也溫恭允塞是其天稟篤厚溶哲文明是其天稟聰明篤厚聰明方不怕死死且不怕又何驚懼之有故以烈風雷雨弗迷形容舜之大勇有此大勇方能有流共工放驩兜竄三苗殛鯀諸事有堯而後可以致舜之功有舜而後可以紹堯之績舜之德業大矣哉

帝曰格汝舜詢事考言乃言底可績二載汝陟帝位舜讓于德弗嗣

格來詢謀乃汝底致陟升也堯言詢舜所行之事王肯堂曰所行之事即歷試之事而考其言則見汝之言致可有功程子曰詢謀汝所行之事以於今三年矣汝宜升帝位也讓于德讓于有德之人也或曰謙遜自以其德不足爲嗣也

「集說」程子曰聞其言則堯知其聖矣見其事至於三年而後天下知其聖矣

正月上日受終于文祖

上日朔日也

孔穎達曰每月皆有朔日此是正月之朔故云上日言一歲日之上也

業氏曰上旬之日會氏曰如上戊上辛上

丁之類未詳孰是受終者堯於是終帝位之事而舜受之也文祖者堯始祖之廟

王炎曰堯所從受天

下者

未詳所指爲何人也

「集說」林之奇曰據下文月正元日舜格于文祖大禹謨言正月朔旦受命于神宗則此上日宜爲朔旦特史官變其辭而云爾猶正月朝會謂之元會元會亦朔日也豈有受命于神宗獨用朔日而受終于文祖獨不用朔日乎然月令仲春之月擇元日命民社則元日亦不必爲朔日也元日旣不必爲朔日則上日亦不必爲上旬之日也會氏以謂舜之受終其日不可以不卜卜之而朔日不吉則用上旬之日下言用朔日蓋朔旣吉不須用他日此說雖長然而世代久遠時日之詳不可得而考會氏之說亦不敢以爲必然之論薛氏云受天下於人必告於其所從受者此論當矣然而所祖之人不可得而知也祭法曰有虞氏禘黃帝而郊粢祖顓頊而宗堯舜典大禹謨皆虞書也旣是虞書則所稱祖宗必自虞世言之神宗卽堯也神宗爲堯則文祖亦可指爲顓頊然而去古遠矣不可以爲必然之論

在璿璣玉衡以齊七政

在察也楊肇芳曰察心日在是也美珠謂之璿璣機也以璿飾璣所以象天體之轉運也衡橫簫也以玉

爲管馬融曰橫簫所以視星宿也以璿爲璣以玉爲衡蓋貴天體也橫而設之所以窺璣而齊七政之運行猶今之渾天儀

也七政日月五星是也七者運行于天有遲有速有順有逆猶人君之有政事也吳證曰各有限節度

數如國家之有政然此言舜初攝位整理庶務首察璣衡以齊七政馬融曰日月星皆以璿璣蓋歷象

授時所當先也○蔡爲天志文云言天體者有三家一曰周髀二曰宣夜三曰渾天宣夜絕

無師說不知其狀如何周髀之術晉天文志云蔡邕所謂周髀者即蓋天之說以爲天似覆盆蓋以斗極爲中中

高而四邊下日月傍行繞之日近而見之爲晝日遠而不見爲夜蔡邕以爲考驗天象多所

違失渾天之術以爲天半覆地上半在地下其天居地上見者一百八十二度半強地下亦

然北極出地上三十六度南極入地下亦三十六度而嵩高正當天之中極南五十五度當

嵩高之上又其南十二度爲夏至之日道又其南二十四度爲春秋分之日道又其南二十

四度爲冬至之日道南下去地三十一度而已是夏至日北去極六十七度春秋分去極九

十一度冬至去極一百一十五度此其大率也其南北極持其兩端其天與日月星宿斜而

迴轉此必古有其法遭秦火而滅至漢武時落下閎始經營之鮮于妄人又量度之至宣帝時耿壽昌始鑄銅而爲之象○宋錢樂即南史宋文帝元嘉十年太史令錢樂之又鑄銅作渾天儀衡長八尺孔徑一寸璣徑八尺周圍二丈五尺強轉而望之以知日月星辰之所在卽璣璣玉衡之遺法也歷代以來其法漸密本朝因之爲儀三重其在外者曰六合儀平置黑單環上刻十二辰八千四隅在地之位以準地面而定四方側立黑雙環背刻去極度數以中分天脊直跨地平使其半入地下而結於其子午以爲天經斜倚赤道度數以平分天腹橫繞天經亦使其半出地上半入地下而結於其卯酉以爲天緯三環表裏相結不動其天徑之環則南北二極皆爲圓軸虛中而內向以挈三辰四遊之環以其上下四方於是可考故曰六合次其內曰三辰儀側立黑雙環亦刻去極度數外貫天經之軸內挈黃赤二道其赤道則爲赤單環外依天緯亦刻宿度而結於黑雙環之卯酉其黃道則爲黃單環亦刻宿度而又斜倚於赤道之腹以交接於卯酉而半入其內以爲春分後之日軌半出其外以爲秋分後之日軌以其日月星辰於是可考故曰三辰其最在內者曰四遊儀亦爲黑雙環如三辰之制以貫天經之軸其環之內則兩面當中各施直距外指南軸而當其要中之內面又爲小窾以受玉衡要中之小軸使衡旣得隨環東西運轉又可隨處南北低昂以待占候者

之仰窺焉以其東西南北無不周徧故曰四遊此其法之大略也

「案」史記天官書索隱云春秋運斗樞云斗第一天樞第二天樞第三璣第四權第五衡第六開陽第七搖光一至四爲魁五至七爲杓○又曰七政者春夏秋天文地理人道也此二說與本解不合誌之以廣異聞

「案」尙書之璿璣玉衡卽古代天文測量器蔡傳云宋朝因之爲儀三重之渾天儀是也後之學者迷於注疏經解瞠目而不知其所謂是以畏難尙書或有斥其爲僞者蓋唐代兩制其器讀者不解訛滋迷惑唐太宗貞觀七年直太史李淳風以靈台候儀制度疎略但有赤道更請造黃道渾天儀此測量器也唐玄宗開元十三年作水運渾天儀上具列宿注水激輪令其自轉晝夜一周別置二輪絡在天外綴以日月逆天而行淹速合度亦名曰渾天儀實則今日之天球儀也蔡傳璿璣玉衡亦有下設機輪以水激之使其日夜隨天運轉以象天行等語是蔡氏不明混二事爲一事余爲之刪去

參看書經蔡傳再證以 *armillary sphere* 當更明瞭

「案」蔡傳於五典中言夫婦有別正是舜典中之要言蓋父子君臣長幼朋友於堯瞽瞍象及耕于歷山人皆讓畔漁于雷澤人皆讓居陶于水濱器不苦窳諸事可以明之惟夫婦有

別經典言刊于寡妻盡為夫之道者莫先於舜而相夫成孝成忠又能成其德業盡為婦之道者亦莫先於堯之二女故夫婦有別至可訓為各盡其道也

肆類于上帝禋于六宗望于山川徧于羣神

肆遂也程子曰猶言於是也類禋望皆祭名周禮肆師類造于上帝注云郊祀者祭昊天之神常祭非常

祀而祭告于天其禮以郊祀為之故曰類如泰誓武王伐商王制言天子將出皆云類于上

帝是也孔穎達曰所言類者皆是祭天之事言以事類而祭也禮精意以享之謂孫炎曰潔宗尊也所尊祭者其祀有

六祭法曰埋少牢於泰昭王氏曰今南郊天壇祭時也鄭康成曰昭者明也時四時也亦謂陰陽之神

少相近於坎壇王氏曰今北郊地壇祭寒暑也鄭康成曰相近讀為禳祈王宮王氏曰東郊日壇祭日也夜明

王氏曰西郊月壇王氏曰在今西郊月壇內祭星也王氏曰今之零壇在祭水旱也鄭康成曰

夜明月壇宗讀為祭山川名山大川五嶽四瀆之屬望而祭之故曰望徧周徧也羣神謂

邱陵墳衍古昔聖賢之類孔穎達曰周禮大司徒注云積石曰山竹木曰林注讀曰川水鍾

林澤亦包之矣古之聖賢謂祭法所云在言受終觀象之後即祭祀上下神祇以攝位告也

「集說」朱子曰類只是祭天之名其義則不可曉與所謂旅上帝同皆不可曉然決非是常

祭○問六宗曰古注說得自好鄭氏宗讀爲祭卽祭法中所謂祭時祭寒暑祭日祭月祭星祭水旱者如此說則先祭上帝次禮六宗次望山川然後徧及羣神次序皆順

「案」六宗之祀由舜典歷周禮以至於前清各朝相因古今大致相同大精通禮云冬至郊

天於園丘南郊天壇設上帝神座爲第一成太祖太宗及列聖東西配向四從神爲第二成大明

東夜明西北斗七星五星二十八宿周天衆星在大明之次雲師雨師風伯雷師在夜明之

次祀禮行于日出前七刻○祈穀在天壇祈年殿凡祈穀以孟春上辛若立春在上辛後則用次辛

在次辛後則用下辛祀上帝及列聖從神如郊天儀○夏至祭地於方澤北郊地壇與冬至南郊

同○春秋上戊祭社稷即今社稷壇與北郊禮數同○朝日甲丙戊庚年春分之朝皇帝親詣東

郊日壇禮數與北郊同○夕月丑辰未戌年秋分之夕皇帝親詣西郊月壇與東郊禮同○常雩

之禮歲以孟夏卽事于園丘準冬至大祀儀○大雩孟夏常雩之後不雨則大雩禮數如常

雩○先農歲仲春吉亥或用季春均由禮部疏請在奉先殿在先農壇以耕藉告行禮如東西郊○太牢全牲

謂之太牢一羊一豕謂之少牢○泰昭南郊卽今之園丘坎壇北郊卽今之方澤據禮記祭

法陳祥道之說

輯五瑞既月乃日覲四岳羣牧班瑞于羣后

輯斂孔穎達曰釋言云輯合也瑞信也公執桓圭周禮疏云桓若屋之桓極侯執信圭伯執

躬圭子執穀璧男執蒲璧周禮注云穀所以養人蒲為席所以安人薛季宜曰桓圭圭之方

共總五等諸侯執之以合符於天子而驗其信否也周禮天子執冒以朝諸侯鄭氏注云名

玉以冒以德覆冒天下也諸侯始受命天子錫以圭圭頭斜銳其冒下斜刻周禮疏云方小

大長短廣狹如之諸侯來朝天子以刻處冒其圭頭有不同者則辨其偽也既盡覲見四岳

四方之諸侯羣牧九州之牧伯也孔穎達曰州牧各監一州諸侯王程子曰輯五瑞徵五等

之諸侯也此已上皆正月事至盡此月則四方之諸侯有至者矣遠近不同來有先後故日

日見之不如他朝會之同期於一日蓋欲以少接之則得盡其詢察禮意也班頒同孔穎達

云班賦也孫炎曰謂布與也輯是斂聚班為散布故為還也羣后即侯牧也既見之後審知非偽則又頒還其瑞以與天

下正始也

「案」桓圭陳師凱曰四植謂之桓柱之豎者豎之則有四稜也蓋以桓為琢飾長九寸信圭

躬圭黃鎮成曰陸佃云信圭直躬圭屈皆長七寸周禮注云象以人形者誤穀璧蒲璧蓋以

穀蒲爲瑑飾刻文隆起皆徑五寸不執圭者未成國也周禮大宗伯云七命賜國子男五命故云

未成國也林之奇曰四岳則盡率方岳之諸侯羣牧則各率其方之諸侯以從四岳猶康王之誥云太保率西方諸侯入應門左畢公率東方諸侯入應門右○朱子曰覲是正君臣之禮較嚴天子當依而立不下堂而見諸侯朝是講賓主之禮天子當立而立在路寢門之外相與揖遜而入

歲二月東巡守至於岱宗柴望秩于山川肆覲東后五玉三帛二生一死贄協時月正日同律度量衡修五禮如五器卒乃復五月南巡守至於南岳如岱禮八月西巡守至于西岳如初十有一月朔巡守至于北岳如西禮歸格于藝祖用特

孟子曰天子適諸侯曰巡守巡守者巡所守也歲二月當巡守之年二月也林之奇曰歲二月者來歲之二

月蓋前一年羣后來朝故至明年舜乃巡守考岱宗泰山也應劭曰宗長也五岳之長地理制度于四岳非與觀岳牧領瑞同在一年之中今釋岱宗魯頌作泰山周禮作岱山在今山東濟柴燔柴以祀天也望望秩以祀山川也朱子曰燔柴以祀天而遂望祭東南府泰安北五里柴燔柴以祀山川也方之山川又各以其秩次而就祭之也○注家以至昏宗柴爲句某謂當以柴望秩于山川秩者其牲幣祝號之次第如五岳爲一句如柴望大告武成漢郊祀志亦云柴望秩于山川

視三公四瀆視諸侯其餘視伯子男者也東后東方諸侯也時謂四時月謂月之大小日謂日之甲乙其法畧見上篇曾攷曰三百六十當期之日然時之為九十日常有餘月之為三年而七閏謂之章二十七章謂之會時月諸侯之國其有不齊者則協而正之也律謂十二律黃鐘大簇姑洗蕤賓夷則無射大呂夾鐘仲呂林鐘南呂應鐘也班固五聲之本生于黃或益以定商角徵羽九六相生陰陽之應也六為律六為呂凡十二管皆徑三分有奇空圍九分而黃鐘之長九寸大呂以下律呂相間以次而短至應鐘而極焉以之制樂而節聲音則長者聲下短者聲高下者重濁而舒遲上者輕清而剽疾陳師凱曰律呂本原云黃鐘之數九九八十一是為以三分之不盡一算數不可以之審度而度長短於黃鐘之長則九十分黃鐘之長一為一行此聲之數所以止於五也分而十分為一寸十寸為尺十尺為丈十丈為引以之審量而量多少班固曰量起於黃鐘之管其容子穀秬黍中者一千二百以為籥而十籥為合陳師凱曰此言是誤漢二籥之義朱子文十合為升十升為斗十斗為斛以之平衡而權輕重則黃鐘之籥所容千二百黍其重十二銖兩籥則二十四銖為兩十六兩為斤三十斤為鈞四鈞為石此黃鐘所以為萬事根本諸侯之國其有不一者則審而同之也時月之差由積日而成其法則先蠶而後精度量衡受法於律其法則先本而後末故言正日在協時月之後同

律在度量衡之先立言之叙蓋如此也五禮吉凶軍賓嘉也所以同天下之風俗五玉五等

諸侯所執者卽五瑞也三帛諸侯世子執纁公之孤執玄附庸之君執黃二生卿執羔大夫

執鴈一死士執雉鄭康成曰羔取其羣而不失其類鴈取其五玉三帛二生一死所以爲贊

而見者林之奇曰三帛二生一死贊則如五器劉侍講曰如同也五器卽五禮之器也曰王機

盥盥簋豆之屬爲吉禮之器衰經冠履之屬爲凶禮之器旗物鐸鏡之屬爲軍禮之器

蒼璧黃琮青圭六贊璧以帛琮以錦圭以馬卽舜之遺法也卒乃復者舉祀禮觀諸侯一正

朔同制度修五禮如五器數事皆畢則不復東行而遂西向且轉而南行也故曰卒乃復朱

曰是事南岳衡山王氏曰孔疏及爾雅皆誤不論今據地理今釋一說南岳周禮作衡山

畢而歸海經作嶠嶠山在今湖廣衡州府衡山縣西北三十里接衡陽縣及長沙

府西岳華山地理今釋西岳禹貢作太華周禮作華北岳恒山地理今釋禹貢作恒山漢避

同府渾源州南二十里接直隸真定府界○案恒山自斑固漢志載於上曲陽今真定府

曲陽縣水經注以下咸宗之然今曲陽縣治去山趾一百四十里不若渾源之近清朝蓋

正紀典祠恒山於渾二月東五月南八月西十一月北各以其時也格至也言至于其廟而

源州當主渾源爲是告祭也藝祖疑卽文祖或曰文祖藝祖之所自出未有所考也特牲也謂一牛也古者君

將出必告於祖禰歸又至其廟而告之孝子不忍死其親出告反面之義也王制曰歸格於祖禰鄭注曰祖下及禰皆一半程子曰但言藝祖舉尊爾實皆告也但止就祖廟共用一牛

不如時祭各設主於其廟也二說未是孰是今兩存之

「書經彙纂」云四岳惟衡山最遠先儒以爲非今之衡山恐別自有衡山朱子語類曰恐是嵩山之南如此則四岳相去甚近矣○又云天子巡守一歲不能遍及或一年一方此說亦甚有理但下有五載一巡守又作何解

「案」牲幣祝號周禮春官肆師掌立國祀之禮以佐大宗伯立大祀用玉帛牲牲立次祀用牲幣立小祀用牲地官牧人掌牧六牲而阜蕃其物以共祭祀之牲牲凡陽祀用騂牲毛之陰祀用黝牲毛之望祀各以方之色牲毛之凡時祀之牲必用牲物凡外祭毀事用羝可也左傳十九年古者六牲不相爲用六牲者馬牛羊豕犬雞也

春官大宗伯以玉作六器以禮天地四方以蒼璧禮天以黃琮禮地以青圭禮東方以赤璋禮南方以白琥禮西方以玄璜禮北方皆有牲幣各放其器之色

春官大祝掌六祝之辭以事鬼神示祈福祥求永貞一曰順祝二曰年祝三曰吉祝四曰化祝五曰瑞祝六曰筭祝

春官大祝辨六號一曰神號二曰鬼號三曰示號四曰牲號五曰齎號六曰幣號

漢律厯志云至朔同日謂之章同在日首謂之蔀蔀終六句謂之紀歲朔又復謂之元注韓

子曰四千五百六十歲爲一元

王氏曰三分損益九六相生者據禮記樂記註假定以黃鐘全長八十一分爲宮。81+3 = 27, 81-27 = 54 爲徵。54+3 = 18, 54+18 = 72 爲商。72+3 = 24, 72-24 = 48 爲羽。48+3 = 16, 48+16 = 64 爲角。卽八十一分爲宮七十二分爲商六十四分爲角五十四分爲徵四十八分爲羽之次序也

五禮史記正義曰以吉禮事邦國之鬼神祇以凶禮哀邦國之憂以賓禮親邦國以嘉禮親萬民尙書堯典云類于上帝吉禮也如喪考妣凶禮也羣后四朝賓禮也大禹謨云汝徂征軍禮也堯典云女于時嘉禮也

五載一巡守羣后四朝敷奏以言明試以功車服以庸

五載之內天子巡守者一諸侯來朝者四蓋巡守之明年則東方諸侯來朝于天子之國又明年則南方諸侯來朝又明年則西方之諸侯來朝又明年則北方之諸侯來朝又明年則天子復巡守是則天子諸侯雖有尊卑而一往一來禮無不答是以上下交通而遠近洽和也敷陳奏進也周禮曰民功曰庸王樵曰如教養萬民等事程子曰敷奏以言者使各陳其爲治之說言

之善者則從而考其功有功則賜車服以旌異之其言不善則亦有以告飭之也林氏曰天子巡守則有協時月正日以下等事諸侯來朝則有敷奏以言以下等事

肇十有二州封十有二山濬川

肇始也十二州冀兗青徐荆揚豫梁雍幽并營也中古之地朱子集作古但為九州曰冀兗

青徐荆揚豫梁雍禹治水作貢亦因其舊陳經曰禹貢之及舜即位以冀青地廣始分冀東

恒山之地為并州其東北醫無閭之地為幽州周禮賦方氏云東北曰又分青之東北遼東

等處為營州孔穎達曰知分冀州為幽州者周禮賦方氏云於禹貢皆冀州之域知分

冀州之域為之也爾雅釋地九州之名於禹貢無梁青而有幽營州之域知分

炎以附雅之文與職方禹貢並香不同疑是殷副則營州亦有所因知舜時亦有營州齊即

青州之地知分青州為之於此居攝之時始置十有二州蓋終舜之世常而冀州止有河內

然宜三年左傳云昔夏之方有德也貢金九牧則禹登王位還置九州之地今河東一路是也封表也封十二山者每州封表一山以為一州之鎮如職方氏言揚

州其山鎮曰曾稽之類濬川林之奇曰洪水既平不濬導十二州之川也孔穎達曰州內雖

大者以為其州之鎮川無大然舜既分十有二州而至商時又但言九圍九有周禮職方氏

無小皆當深之故云濬川亦止列為九州有揚荆豫青兗雍幽冀并而無徐梁營也則是為十二州蓋不甚久不知其

自何時復合爲九有也吳氏曰此一節在禹治水之後其次序不當在四罪之先蓋史官泛記舜所行之大事初不計先後之叙也

「集說」程子曰上古九州舜始分爲十二州在洪水既平之後此歷叙舜事故肇十二州在四罪之前言殛鯀在說用刑之中非是先分十二州而後殛鯀也○楊時曰十二州或分或合因時而已不必強爲之解○爾雅有徐幽營而無青梁并青入於徐梁入於雍并入於冀也此殷制也職方有青幽并而無徐梁營蓋周又分冀爲并而併營於幽復禹之青而省徐入青也

王樵曰案古冀州北抵沙漠東西南三面皆盡河爲界是兼有河北河東之地於九州爲最大夫分州置牧所以聯屬諸侯董正治功也湯纘祖曰此舜經理天下之事人知有虞之治爲無爲不知其初固大有爲也

「案」周禮職方氏揚州之山鎮曰會稽荊州之山鎮曰衡山豫州之山鎮曰華山青州之山鎮曰沂山兗州之山鎮曰岱山雍州之山鎮曰嶽山嶽山即吳嶽山幽州之山鎮曰醫無閭冀州之山鎮曰霍山并州之山鎮曰恒山而無徐梁營故不名其山

象以典刑流宥五刑鞭作官刑扑作教刑金作贖刑皆災肆
赦怙終賊刑欽哉欽哉惟刑之恤哉

象如天之垂象以示人朱子曰象人所犯之罪而加以所犯之刑又曰此而典者常也示人言正法象如象魏之象或謂畫為五刑之狀亦可

以常刑所謂墨劓剕宮大辟五刑之正也所以待夫元惡大憝殺人傷人穿窬淫放凡罪之

不可宥者也流宥五刑者流遣之使遠去如下文流放竄殛之類是也宥寬也所以待夫罪

之稍輕雖入於五刑情可矜法可疑與夫親貴勳勞而不可加以刑者則以此而寬之也鞭

作官刑者孔安國曰以鞭木末垂革官府之刑也扑作教刑者夏楚二物禮記學記注曰夏

云稻今之山楸○孔安國曰學校之刑也惟言作教刑者官刑鞭扑俱用教刑惟扑而已皆以

待夫罪之輕者金作贖刑者金黃金孔穎達曰古之金銀銅鐵總號為金此贖贖其罪也蓋

罪之極輕雖入鞭扑之刑而情法猶有可議者此五句從重入輕各有條理法之正也肆縱

也皆災肆赦者皆謂過誤災謂不幸程子曰謂非人若人有如此而入於刑則又不待流宥

金贖而直赦之也賊殺也怙終賊刑者怙謂有恃終謂再犯若人有如此而入於刑則雖當

宥當贖亦不許其宥不聽其贖而必刑之也此二句者或由重而即輕貨災肆赦或由輕而即重

估終 賊刑 蓋用法之權衡所謂法外意也聖人立法制刑之本末此七言者大略盡之矣雖其輕重取舍陽舒陰慘之不同然欽哉欽哉惟刑之恤之意則未始不行乎其間也蓋其輕重毫釐之間各有攸當乃天討不易之定理而欽恤之意行乎其間則可以見聖人好生之本心也據此經文則五刑有流宥而無金贖周禮秋官亦無其文至呂刑乃有五等之罰疑穆王始制之非法之正也蓋當刑而贖則失之輕疑赦而贖則失之重且使富者幸免貧者受刑又非所以爲平也

「集說」林之奇曰聖人原人情之輕重然後用其常刑使君子不陷於無辜小人不至於苟免人將遷善遠罪日趨於君子之域此則刑期無刑之謂也○陳雅言曰不欽則或失之於怠慢不恤則或失之於慘刻二者刑之所由不得其平也故必主之以欽而加之以恤此傳所謂欽恤之心未始不行乎其間者也

「案」象魏宮門外懸法之所周禮天官太宰乃懸治象之法於象魏注引鄭司農云象魏闕也疏周公謂之象魏雉門之外兩觀闕高勳魏然孔子謂之觀春秋左氏定公二年「夏五月雉門災及兩觀」是也云觀者以其有教象可觀望又謂之闕者闕去也闕去疑事或解闕中通門按釋名釋宮室闕在門兩旁中央闕然爲道也卽闕中通門之義亦謂象闕魏闕

○闕門觀也見說文注「爲二臺於門外作樓觀於上上圓下方以其闕然爲道故謂之闕以其上可遠觀故謂之觀以其懸法故謂之象魏」三者異名而同物左傳莊二十一年鄭伯享王於闕西辟注闕象魏也

流共工于幽洲放驩兜于崇山竄三苗于三危殛鯀于羽山

四罪而天下咸服

流遣之遠去如水之流也放置之於此不得他適也竄則驅逐禁錮之程子曰放者屏斥殛

則拘囚困苦之朱子曰殛非殺也洪範云殛死猶今言貶死隨其罪之輕重而異法也共工驩兜鯀事見上篇三

苗國名在江南荆揚之間恃險爲亂者也地理今釋正義曰吳起云三苗之國左洞庭而右

彭蠡今江州也幽洲北裔之地水中可居曰洲地理今釋正義曰吳起云三苗之國左洞庭而右

鄂州岳州也崇山南裔之山在今澧州朱子曰或云在澧州慈利縣○清皇與表

塞外地故老傳云舜流崇山南裔之山在今澧州朱子曰或云在澧州慈利縣○清皇與表

永定甯西三危西裔之地即雍之所謂三危既宅者地理今釋三危在今陝西嘉峪關外廢

大庸所東三危危俗亦名卑羽山在沙州敦煌縣東南三十里案蔡傳云三危西裔之地即禹貢所謂三危

既宅者禹貢三危自在大河之南與此爲二且三苗爲南境之國經言竄是屏之遠方左氏

傳所謂流四凶族投諸四裔以羽山東裔之山即徐之蒙羽其藝者程子曰殛鯀必於羽山

害事於彼耳地理今釋羽山在今山東兗州府沂州近南一百里接鄰城縣及江南淮安府海州嶺榆縣界服者天下皆服其用刑之當罪也程

子曰舜之誅四凶怒在四凶舜何與焉蓋因是人有可怒之事而怒之聖人之心本無怒也聖人以天下之怒爲怒故天下咸服之春秋傳所記四凶之名與此不同說者以窮奇爲共工渾敦爲驩兜饕餮爲三苗檮杌爲鯀不知其果然否也陳師凱曰文公十八年注云渾敦不開通之貌窮奇其行窮其好奇檮杌凶頑無儔匹之貌貪財爲饕貪食爲餮

「集說」孔穎達曰連引四罪述其刑當之驗明此諸事皆是徵用之時所行於此總見之也○程子曰史官載述舜之制刑因叙其所用刑也大抵流放統謂之流故曰流宥五刑而於流之中有輕重之稱以地之善惡遠邇爲差○四凶之才皆可用堯之時聖人在上皆以其才任大位而不敢露其不善之心堯非不知其不善也伏則聖人亦不得而誅之○孫覺曰放重於流竄重於放殛重於竄○林之奇曰舜誅四凶在於歷試之初肇十有二州封十有二山濬川在命禹平水土以後而作典者載先後之辭如此者蓋史官言舜之明慎用刑遂援其誅四凶之事以爲證非謂先肇十二州而後誅四凶也世徒見四凶得罪不在堯世則謂堯不能去不知舜之去四凶實受堯命如禹居攝時亦受舜命征苗也

二十有八載帝乃殂落百姓殯喪考妣三載四海遏密八音

殂落死也死者魂氣歸于天故曰殂體魄歸于地故曰落喪爲之服也遏絕密靜也八音金石絲竹匏土革木也言堯聖德廣大恩澤隆厚故四海之民思慕之深至於如此也儀禮圻內之民爲天子齊衰三月圻外之民無服今應服三月者如喪考妣應無服者遏密八音堯十六卽位在位七十載又試舜三載老不聽政二十八載乃崩在位通計百單一年

〔案〕通鑑堯年十六卽帝位甲辰元載則堯之生年當爲己丑乙巳二載置閏法甲申四十有一載虞舜生癸卯六十載舜年二十以孝聞癸丑七十載舜受終于文祖告攝位在璿璣玉衡載命舜攝位殛鯀放驩兜命禹治水丙辰七十有三載舜受終于文祖告攝位在璿璣玉衡舉羣祀觀羣后丁巳七十有四載巡守流共工己未七十有六載窺三苗制五刑辛酉七十有八載神龜出于洛癸亥八十載禹治水成功甲子八十有一載分十二州癸未百載帝崩

于成陽今山東曹州府濮州故城葬穀林即成陽今堯陵在泰安府東平州明年甲申舜年六十一避堯之子六十三歲丙戌正月卽帝位是爲虞舜元載

尚書本義卷之



中華民國乙酉三十四年十月發行

編

北京大學文學院講師

者 王 養 怡

發 行 者

電話四局二一六三

北平地安門外王宅
策衣胡同二號



#0
10/10/1

卅四年三月十四日
王養怡先生題

#0
10/10/1